

COMUNU DE SANTADI

PROVÌNTZIA DE SU SUD SARDIGNA

Prot n. 8604 de su 12.10.2022

BANDU PO SA PRESENTATZIONI DE IS DOMANDAS DE AMMISSIONI A SU REIS RÈDDITU DE INCLUSIONI SOTZIALI – "AGIUDU TORRAU" – L.R. N.18/2016 Annualidadi 2022

SU RESPONSABILIDE S'ÀREA AMMINISTRATIVA E SERVÌTZIUS A SA PERSONA

ARREMONADAS:

- Sa Lei Regionali n.18 de su 2 de austu 2016, chi tenit "Rèddiut de inclusioni sotziali – Fondu regionali po su rèdditu de inclusioni sotziali "Agiudu torrau" po su triènniu 2021-2023;
- àterus interventus de cuntrastu a sa pandemia Covid-19 sigundu s'art.3, commas 4 e 5 de sa lei regionali n.4/2021;
- sa deliberatzioni de Giunta Regionali n. 23/26 de su 22/06/2021 cun sa cali funt aprovadas in bia preliminarì "Is linnias ghia po su triènniu 2021-2023 a pitzus de is modalidadis po sa partzidura de is stantziamentus regionali e modalidadis spetzìficas de ativatzioni de su R.E.I.S"
- Sa deliberatzioni de Giunta Regionali n.34/25 de s' 11/08/2021 cun sa cali funt stètias aprovadas in bia definitiva "Is lìnneas ghia arremonadas in antis e is modalidadis po sa partzidura de is stantziamentus regionalis e is modalidadis spetzìficas de ativatzioni de su R.E.I.S"

FAIT SCIRI

Ca de su **12/10/2022 a su 12/11/2022**, is sugetus in possessu de is rechisius sigundu custu bandu ant a podi presentai sa dimanda po atenni is benefitzius prevèdius de su "Rèdditu de inclusioni sotziali – Agiudu Torrau" po s'annu 2022, sigundu cantu est stabiliu in custu bandu e de sa normativa in vitgèntzia in matèria.

ART.1 – OGETU

Custu bandu tenit a ogetu s'individuatzioni in su territòriu comunali de Santadi, de is chi tenint deretu a sa misura regionali chi si narat REIS, introdùsia de sa Lei Regionali n.18 de su 2 de austu 2016.

Sa misura regionali (REIS) prevedit s'erogatzioni de unu contributu econòmicu in favori de is famìlias in cundizioni de difìcultadi econòmica che strumentu utiloso a sa cumpusizioni de is deretus sotzialis fundamentalis e inderogàbilis de is tzitadinus.

S'erogatzioni de su REIS est cundizionada a su faimentu de unu progetu de inclusioni ativa stabilia in su percursu personalizau po su superamentu de sa cundizioni de poberasa, francu chi po is casus spetzìficaus in is artìculus afatantis.

ART.2 – RECHISIUS DE ATZESSU A SU BENEFITZIU

Podint atzedi a su REIS is nùcleus familiaris, fintzas unipersonalis, inclùdias is famìlias de tatu cunviventis de ses mesis, aundi assumancus unu cumponenti siat residenti de assumancu binticuàtura mesis in su territòriu de sa regioni. Su rechisiu de sa residèntzia chi durit po binticuàturu mesis de sighiu non balit po is emigraus torraus e is nùcleus familiaris insoru. (L.R. n. 18/2016 e modìficas afatantis).

Po atzedi a su REIS, in prus, su nùcleu familiari a comentu definiu in antis, depit essi in possessu rechisius afatantis:

- valore ISEE ordinàriu o currenti fintzas a euro 12.000;
- unu valori de su patrimoniu immobiliari, aici a comentu definiu po is scopus ISEE, diferenti de sa domu de bivi, non prus artu de sa sòglia de èuro 40.000;
- unu valori de su partrimòniu mobiliari, aici a comentu definiu po is scopus ISEE non prus artu de sa sòglia de èuru 8.000, aumentade de 2.000 èurus po dònna cumponenti de su nùcleu familiari afatanti su primu, fintzas a unu màssimu de èurus 12.000, incrementau de àterus 1.000 èurus po dònna fillu afatanti su segundu; custus massimalis funt aumentaus ancora de èurus 5.000 po dònna cumponenti cun disabilitadi e de èurus 7.500 po dònna cumponenti in cundizioni de disabilitadi gravi o non autosuficèntzia.
- Is indivìduus e is famìlias cun s'ISEE ordinàriu inclùdiu a intru de èrusu 9.360 e èurus 12.000 (chi asserint in sa prioridadi 4) in prus de su possessu de is rechisius indicau in antis, depint tenni unu valori ISR (indicatori de sa situatzioni reddituali) uguali o prus bàsciu de sa soglia de poberesu torrada a determinai dònna annu de s'Istat, articulada po fàscias sigundu sa tauledda spetzìfica de asuta, chi tenint in cunsideru s'amprària diversa de is nùcleus familiaris richeridoris:

Amprària familia	Sòglia poberesu annuali
1 cumponenti	€ 7.883,64
2 cumponentis	€ 13.139,40
3 cumponentis	€ 17.475,36
4 cumponentis	€ 21.417,24
5 cumponentis	€ 24.964,80
6 cumponentis	€ 28.381,08
7 cumponentis e prus	€ 31.534,56

Is rechisius inditaus in susu funt riferius a is paràmetrus indicaus in s'ISEE in cursu de valididadi in su 2022.

Po permiti s'atzessibilitadi a sa mesura puru a is famìlias chi in su perìodu reggenti ant biu impeuada sa situatzioni sòtzio-econòmica insoru, puru po mori de is efetus de sa pandemia Covid-19, e chi a dònna manera no iant a atzedi si oberessint s'ISEE ordinàriu podit essi oberau puru s'ISEE currenti abarrendi firmus is rechisius inditaus innantis. In ca si presintit s'ISEE currenti non s'at a pigai in cunsideru su valori ISR.

In prus est netzessàriu, chi **nisciunu** cumponenti de su nùcleu familiari:

- tengat autoveìculus immatriculadas sa primu borta in is 6 mesis pretzedentis sa rechesta, o autoveìculus de tzilindrada prus arta a 1.600 cc, opuru motoveìculus de tzilindrada prus arta de 250 cc imatriculaus sa primu borta in is 12 mesis antetzedentis (funt esclùdius is

autoveìculus e is motoveìculus po is calis est prevèdia una agevolatzioni fiscali in favori de is personas cun disabilitadi);

- tengat navis e imbarcatzioni de diportu (art.3, comma 1, D.Lgs 171/2005)

ART 3 – INCOMPATIBILIDADI INTRU DE RÈDDITU DE TZITADINÀNTZIA E REIS

Su decretu Lei 28 de gennàrgiu 2019, n.4, cunvèrtiu cun modificas, de sa Lei 28 martzu 2019, n.25 in s'art.1, comma 1, at istituìu su Rèdditu de Tzitadinàntzia (RdC) e at abbrogau su Rèdditu de inclusioni (REI).

A su scopu de amortizai is duas ainas, cussu natzionali (RdC) e cussu regionali (REIS)

1. Su RdC e REIS funt incumpatìbilis: duncas su sugetu chi pigat su RdC non podit atzedi a su REIS
2. S'istàntzia po su REIS est inamissìbili si sussistis una sceti de is cunditionis afatantis
 - a) s'istanti, mancaì tendendi is rechisius po s'atzessu a su RdC, no at presentau dimanda
 - b) s'istanti est ammìtiu a su RdC.

S'incompatibilidadi sussistit puru intru de REIS e Rèdditu de emergèntzia (REM)

ART. 4 – PRIORIDADI DE EROGATZIONI E SCALA DE IS IMPORTUS REIS

A su scopu de assigurai unu benefìtziu in relatzioni a sa situatzioni ISEE de is nùcleus familiaris, is importus de su REIS funt definius in sa basi de su valori ISEE de su nùcleus familiari e de su nùmeru de is componentis de su nùcleu etotu, sigundu cantu est indicau in is tauleddas afatantis.

Su REIS at a essi reconnotu po 6 mesis, annoàbilis po àterus 6 mesis, in antis chi si torrit a oberri sa protzedura e si torrint a valutai is rechisius de atzessu.

Prioridai 1

ISEE de € 0,00 a € 3.000,00

Nùmeru componentis	Importu semestrali	Importu mensili
1	€ 1.650	€ 275
2	€ 2.100	€ 350
3	€ 2.550	€ 425
4 e prus de 4	€ 2.730	€ 455

Prioridadi 2

ISEE de € 3.000,01 a € 6.000,00

Nùmeru componentis	Importu semestrali	Importu mensili
1	€ 1.350	€ 275
2	€ 1.800	€ 300
3	€ 2.250	€ 375
4 e prus de 4	€ 2.430	€ 405

Prioridadi 3

ISEE de € 6.000,01 a € 9.359,99 esclùdius

Nùmeru componentis	Importo semestrali	Importu mensili
1	€ 840	€ 140
2	€ 1.290	€ 215
3	€ 1.740	€ 290
4 e prus de 4	€ 1.920	€ 320

Prioridadi 4

ISEE de € 9.360,00 a € 12.000,00

Nùmeru componentis	Importu semestrali	Importu mensili
1	€ 540	€ 90
2	€ 990	€ 165
3	€ 1.440	€ 240
4 e prus de 4	€ 1.620	€ 270

A intrus de dònna prioridadi ISEE, is resorsas funt erogadas in basi a is sub prioridadis afatantis:

- 2.1 famìlias, mancai formadas de unu componentis sceti, sena de dimora
- 2.2 famìlias cumpostas de personas e prus (chi asserit de su stadu de famìlia)
- 2.3 famìlias cumpostas de una persona o prus over 50 o prus cun fillus a càrrigu disocpaus
- 2.4 còpias cojadas o còpias de fatu registradas, cunviventis de assumancus 6 mesis e cumpostas de giòvanus chi non tengant prus de 40 annus de edadi;
- 2.5 famìlias a comenti si siat cumpostas, inclùdias is unipersonalis.

ART 5 – Dèrogas

In dèroga a is rechisius indicaus in s'art. 2, s'ammissioni a su REIS podit essi cuntzèdia puru in favori de in nùcleus familiaris chi benefitziant de su Rèdditu de Tzitadinàntzia, cun importus fintzas a 100 èurus a su mesi, fintzas a arribai a is importus chi iant a depi spetai cun su REIS, in relatzioni a sa prioridadi currispondenti a sa fàscia ISEE de appartenèntzia, aici a comenti inditau in s'art.4 de custu avisu.

Sceti in is cunfrontus de is nùcleus familiaris pertzetori de Rèdditu de Tzitadinàntzia cun is minoris, sa sòglia po atzedi a su REIS inditada in antis, est aumentada de èurus 100 po dònna fillu minori. Po is nùcleus cumpostus de 4 o prus minoris su lìmiti de atzessu e determinau in èurus 455, currispondenti a su benefitziu màssimu prevèdiu po is benefitziàrius REIS.

Is importus màssimus mensilis po su Rèdditu de Tzitadinàntzia stabilius po atzedi a s'integratzioni REIS, diferentzias in basi a sa cumpositzioni de su nùcleu familiari funt inditaus in sa tauledda afatanti:

Cumpositzioni nùcleu familiari	Lìmiti de atzessu a sa dèroga	
1 o prus cumponentis mannus	èurus 100	Lìmiti de atzessu po s'integratzioni REIS prevèdiu de sa dèroga sigundu su Comma 1
Nùcleus cun 1 minoris	èurus 200	Lìmiti de atzessu po s'integratzioni REIS prevèdia de sa dèroga sigundu su comma 2
Nùcleus cun 2 minoris	èurus 300	
Nùcleus cun 3 minoris	èurus 400	
Nùcleus cun 4 o prus minoris	èurus 455	

Si in casu in s'atu de redatzioni de is graduatòrias , no ddoi siat ancora siguresa po su chi pertocat sa cuota de sussidiu RdC chi spetat su beneficiàriu, su Comunu at a ponni su beneficiàriu in graduatòria acantonendi is resorsas fintzas a s'èsitu de s'istrutòria RdC.

In is casus prevèdius de custu articulu, a su valori de is sussidius de erogai depit essi depit essi destinau, de parti de su nùcleu familiari beneficiàriu, a sustenni una o prus spesas sotzialis e assistenzialis definias a intrus de sa Tauledda 1 de su Decretu Ministeriali 16 de mesi de idas 2014, n.206 "Regulamentu aundi ddoi at modalidadis atuativas de su Casellàriu de s'assistèntzia", de is Còdixi A1.05 a A.1.23 chi si torrant a scriri asuta.

CÒDIXI	DENOMINAZIONI	DESCRIZIONI
A1.05	Contributus econòmicu po s'allògiu	Sussidius econòmicu a intregatzioni de su rèdditu individuali o familiari po sustenni is spesas po s'allògiu o po s'afitu e po is utèntzias.
A1.06	Bonus spesa o bonus pastu	Sustègnus econòmicu chi permitint de comporai cosa de papai o de spaciai pastus in is esercitzius in conventzioni
A1.07	Contributus e integratzionis a retas pi asilus niu	Interventus po assigurai a s'utenti in difìcultadi econòmica sa cobertura de sa reta po is asilus niu.
A1.08	Contributus e integratzionis a retas po servitzius integrativus o innovativos po sa primu pipiesa	Interventus po assigurai a s'utenti in difìcultadi econòmica sa cobertura de sa retza po is servitzius integrativus.
A1.09	Contributus econòmicu po is servitzius scolàsticus	Sustègnus econòmicu po assigurai a s'utenti in difìcultadi econòmica su deretu a su stùdiu in sa piepiesa e in s'adolescèntzia; inclùdias is agiudus po su trasportu reconnotas a is familias chi tenint abisòngi.
A1.10	Contributus econòmicu po curas o prestarzionis sotzialis a rilevàntzia sanitària	Sustègnu econòmicu a is personas iin difìcultadi po is spesas mèigas, o prus in generali, po prestarzionis sotzialis a rilevàntzia sanitària. In custa categoria asserit s'esentzioni de tiket sanitàriu, in casu siat a càrrigu de su Comunu/us e su contributo po comporai pròtesi e ausilius (antzianus e disàbilis).
A1.11	Assegnazioni economiche per il sostegno della domiciliarità e dell'autonomia personale	Intru de is àterus funt individuàbilis VOUCHER = provvidèntzia econòmica in favori de anzianus non autosufitzièntis e disàbilis, versada sceti si is prestarzionis siant erogadas de "care giver" professionalis. ASSEGNO DE CURA= incentivatzioni econòmica finalizada a assigurai a sugetus anzianus non autosufitzièntis e a

		disàbilis gravis o gravis meda, sa permanèntzia in su nùcleu familiari o in s'ambienti de appartenèntzia, stransedi su riscu de ricàveru in struturas residentzialis. BONU SÒTZIO-SANITÀRIU = sustegnu econòmicu in favori de personas in difìcultadis erogau in casu chi s'atendèntzia siat donada de unu "care giver" familiari. ASSEGNATZIONIS PO PROGETUS finalizaus a sa vida indipendenti o sa promotzioni de s'autonomia personali.
A1.12	Contributus e integratzionis a retas po s'atzessu a tzentrus de adedi	Interventus po assigurai a s'utenti in difìcultadi econòmica sa cobertura de sa reta po tzentrus diurnus.
A1.13	Contributus integratzionis a retas po s'atzessu a is servìtzius semi-residentzialis	Interventus po assigurai a s'utenti in difìcultadi econòmica sa cobertura de sa retza po s'acullèntzia in strutura semi-residentzialis.
A1.14	Contributus e integratzionis a retas po s'atzessu a servìtzius residentzialia	Interventus po assigurai a s'utenti chi tenit abisùngiu sa cobertura de sa reta po s'acullèntzia in struturas residentzialis e, po s'àrea Familia e minoris, s'integratzioni de is retas po minoris ospitaus in tzentrus residentzialis.
A1.15	Contributus po servìtzius a sa persona	Sustegnu econòmicu deretu a personas non autosufitzientis in manera partzialis o a riscu de emarginatzioni, chi netzessitantde interventus de dura e de igeni de sa persona.
A1.16	Contributus econòmicus po su servìtziu trasportu e mobilitadi	Sostegnus econòmicus erogau a personas cun mobilitadi ridùsida (disàbilis, antzianus), inclùdius is contributus po is canis ghia
A1.17	Contributus econòmicus erogaus a tìtulu de prèstidu/prèstidu de onori	Prestiti destinati a fronteggiare situazioni transitorie di lieve diffìcultà economica, concessi da istituti di credito convenzionati con gli enti pubblici, a tasso zero per il beneficiario, basati sull'impegno dello stesso alla restituzione.
A1.18	Contributi economici per l'inserimento lavorativo	Interventus econòmicus a sustegnu de percursus de transizioni a su traballu o de servìtzius de s'inserimentu in su traballu. In custa categorias asserint bursas traballu, tutoràgiu e àteras formas de sustegnu.
A1.19	Bursas de stùdiu	
A1.21	Àteru (prestazioni sugeta a ISEE)	
	A1.22 Contributus econòmicus po s'afidamentu familiari de minoris	Contributus in dinai a is familias chi acullint in manera temporànea minoris cun problemas familiaris
	A1.23 Contributus econòmicus po s'acullèntzia de mannus e antzianus	Contributus in dinai a is familias chi acullint in manera temporànea disàbilis, mannus in difìcultadi e antzianus

ART. 6 – PROTZEDURA PO SA PRESENTAZIONI DE SA DIMANDA

Sa dimanda de partecipazioni, corredada de totus is alliongius richèdidus, depit essi presentada a manera obligatòria de su 12.10.2022 e fintzas a is oras 12.00 de su 12.11.2022 e depit essi intregada in manera dereta o mandada cun racumandada A/R a s'ufitziu protocollu de su Comunu de Santadi opuru mandada a s'indiritzu de PEC de su Comunu: protocollu@pec.comunesantadi.it oberendi sceti su facsimile alliongiu a custu avisu.

Is mòdulus de dimanda funt a disponimentu in su situ www.comune.santadi.su.it e in s'ufitziu protocollu de su Comunu.

A sa dimanda in manera obligatòria, a pena de esclusioni, si depint alliongiai:

- atestazioni ISEE 2022;
- còpia de unu documentu de riconoscimentu de su richeridori, in cursu de validadi;
- ritzevuta de presentazioni de domanda RdC;
- ritzevuta de èsitu negativu o decadèntzia

Su Comunu at a protzedi a fai is verìficas de is deccarazioni sostitutas donadas in sedi de dimanda, po una pertzentuali mìnima de su 5% de is richeridoris.

ART 7 – GRADUATÒRIA DE ASSEGNATZIONI

Sa graduatòria de is ammitius a su benefìtziu de su REIS at a essi definia sigundu s'òrdini de prioridadi po fàscias de ISEE e po is sub-prioridadi sigundu cantu est spetzificau in s'art.4

1.1 Prioridai 1: Valori ISEE inclùdiu intru de € 0,00 e € 3.000,00

1.2 Prioridadi 2 Valori ISEE inclùdiu intru de € 3.000,01 e € 6.000,00

1.3 Prioridadi 3 Valori ISEE inclùdiu intru de € 6.000,01 e € 9.359,99

1.4 Prioridadi 4 Valori ISEE includiu intru de € 9.360,00 e € 12.000,00

A inteus de dònna fàscia ISEE, is nùcleus familiaris ant a essi graduaus in manera ulteriore in relazioni a is sub prioridadis afatantis

2.1 famìlias, mancai formadas de unu cumponenti sceti, sena de dimora

2.2 famìlias cumpostas de personas e prus (chi asserit de su stadu de famìlia)

2.3 famìlias cumpostas de una persona o prus over 50 o prus cun fillus a càrrigu disocpaus

2.4 còpias cojadas o còpias de fatu registradas, cunviventis de assumancus 6 mesis e cumpostas de giòvanus chi non tengant prus de 40 annus de edadi;

2.5 famìlias a comentis si siat cumpostas, inclùdias is unipersonalis.

A intrus de dònna fàscia de prioridadi o sub-prioridadis, is benefìziàrius ant a essi ammitius a sa mesura REIS in òrdini crescenti de valori ISEE (de su prus bàsciu a su prus artu);

Sa graduatòria de ammissioni at a essi definia po totus is istàntzias arribadas a intrus de is tèrminis stabilius, po is calis funt stètius averiguadas in manera posistiva is rechisius de ammissioni.

Sa graduatòria at a essi fata pùbblica, sceti cun s'indicu de su nùmeru de protocollu de s'istàntzia de sa fàscia de prioridadi, de su paràmetru de graduatzioni (ISEE, e ISR eventuali), de s'importu mensili REIS "assegnàbili".

S'at a protzedi cun s'erogazioni de su contrinutu in favori de is famìlias benefìziàrias, po òrdini de graduatòria, in is limitis de is summas atribuias de sa Regioni Sardigna a su Comunu de Santadi.

ART. 8 – SU PROGETU DE INCLUSIONI ATIVA

S'erogazioni efetiva de su benefìtziu est cundizionada a su faimentu de unu "Progetu de Inclusioni attiva" aici a comentis est stabiliu in su percursu personalizau po su superamentu de sa cundizioni de poberesu aprontau in sa fasi de pigada in càrrigu de su servìtziu sotzialis professionali de riferimentu, in collaborazioni cun totus is struturas cumpetentis in matèria de servìtzius po su traballu, formazioni e istruzioni. Su Progetu de inclusioni coinvulgit totus is membrus de su nùcleu familiaris; est finalizau a s'emancipazioni de s'individuu po chi si potzat impegnai po assigurai a issu etotu e su famìlia sua un'esistèntzia dignitosa e un'autosuficèntzia econòmica.

S'inserimentu de is destinatàrius REIS in Progetu de inclusioni ativa podit essi ativau cun àteras Mesuras a balli a pitzus de resorsas de fonti regionali, natzionali e comunitària.

Duncas in òrdini de graduatòria, comenti definia in antis, is nùcleus familiaris, ant a essi cunvoca de su Servìtziu Sotziali Professionali po sa definitzioni de su Progetu de inclusioni ativa, fatas salvas is dèrogas spetzificadas asuta.

Su progetu de inclusioni ativa de norma depit essi incarrerau in manera contestuale a su cuntzessioni de su sussìdiu econòmicu.

Sa durada de is Progetus de inclusioni no est vinculada a sa de s'erogatzioni de su sussìdiu monetàriu.

In casu de interventus chi non cumportint unu livellu particulari de integratzioni cun àterus entis, is progetus personalizaus podint essi aprontaus de parti de su servìtziu sotziali comunali.

In casu su progetu personalizau prevedat interventus integraus complessus, po esèmpiu, de inclusioni in su traballu e sotziali, s'aprontamentu est in càrrigu a s'équipe multidisciplinari in is Ufitzius de Pianu de is Àmbitus PLUS.

In is casus de progetus de inclusioni de traballu sceti, su servìtziu sotziali comunali at a curai s'imbiu a is Entis Istitutzionalis prepostus po sa definitzioni de su percursu de inclusioni.

In casu de atzetatzioni mancada de su Progetu de inclusioni ativa, s'at a protzedi cun sa rèveca de ammissioni a su benefitziu.

Funt esclùdias de su vùnculu de partecipatzioni a unu Progetu de inclusioni ativa:

- is famìlias cumpostat de antzianus sceti de edadi prus arta de 70 annus, cun unu chi tengat tzertificatzioni de invalididadi gravi prus arta a su 90%;
- is famìlias chi tenint in is componentis insoru destinatàrius de is sussìdius prevèdius de sa L.R. 15/1992 aici a comenti mudada de sa L.R. n.20/1997

ART 9 – MODALIDADI DE EROGATZIONI

Su benefitziu at a essi erogau po dònna mesi s'ingulu afatanti a su de aprovatzioni de sa graduatòria.

Su benefitziu at a essi erogau po mèdiu de bonificu bancàriu in su contu currenti intestau o cointestau de su sugetu richeridori comunicau cun sa dimanda.

Su sussìdiu econòmicu depit essi oberau sceti po comporai benis de primu netzessidadi in favori de totu su nùcleu familiari.

Is sussìdiu econòmicus non podint essi oberaus po comporai tabacu, alcol e calisiat prodotu de su giogu de azardu.

Is sussìdius econòmicus non podint essi erogaus a sugetus chi tenint dipendènzias patològicas, francu chi no apant giai incumentzau unu percursu riabilitativu e custu percursu siat prevèdiu in su Progetu de inclusioni ativa.

A pustis de s'acabu de su progetu personalizau i in su casu chi s'impegnu pigau de su nùcleu familiari siat stètiu respetau, est permìtiu s'acullimentu de una domanda REIS noa.

ART. 10 – DOVERI DE IS BENEFITZIÀRIUS, SUSPENSIONI E RÈVOCA DE SU BENEFITZIU

Pena sa suspensioni de s'erogatzioni de su REIS po assumancus ses mesis, is benefitziàrius partetzipant a percursus de politics ativas de su traballu, non refudant prus de duas ofertas de traballu propostas de is tzentrus po s'impreu e de is servìtzius sotzialis comunalis, si non in presèntzia de arrexonis gravis e cumprovadas, e assigurant s'adempimentu de su doveri de

istruzioni-formatzioni de parti de is minoris presentis in su nùcleu familiari.

Is beneficiari de su REIS tenit s'òbliggu de comunicai a su Servìtziu Sotziali Professionali dònna variatzioni in sa cumposizioni de su nùcleu familiari e/o in sa situatzioni reddituali e patrimoniali, intervènnia de candu s'est presentada si dimandda.

Salvas is dèrogas presentis in s'art.3 de custu avisu, si in casu unu tzitadinu beneficiari de su REIS, in su mentris chi gosat de sa Mesura regionali, esset beneficiari de su Rèdditu de Tzitudinàntzia, est obligau a ndi donai comunicatzioni pronta po permitiri sa suspensioni de su contributu REIS. In casu custa comunicatzioni siat trigadina e su tzitadinu apat pertzepiu toteduus is contributus (REIS e RdC) is sussidius REIS pertzepius depint essi torraus prontamenti a su Comunu erogadori.

ART. 11 – RICURSUS

Contras a su provedimentu adotau de su Comunu est amìtiu ricursu a intrus de su tèrmini de 30 diis de candu est arribada sa comunicatzioni de s'èsitu de su protzedimentu

ART 12 – TRATAMENTU DE IS DATUS

Is darus personalis furnius ant a essi trataus sceti po is finalidadis istituzionalis, strumentali o cunnèttias a custu protzedimentu, cun is modalidadis e is limitis stabilius de su regulamentu in vigèntzia UE 2016/679 de su Parlamentu Europeu e de su Consìgliu de su 27 Aprile 2016.

Su tratamentu at a essi fatu po mèdiu de ainas informàticas e manualis e suportus de paperi, a òpera de sugetus incarrigaus apostadamenti.

Su tratamentu de is datus at a essi fatu cun s'agiudu de mezus informàticus e ant a podi essi comunicaus a is àterus sugetus coinvòlgius in sa gestioni de su protzedimentu e a is demandaus a su faimentu de is controllus prevèdius de sa normativa in vigèntzia.

ART. 13 – AVERTÈNTZIAS

No ant a essi pigadas in cunsideru is dimandas pervènnias a pustis de su tèrmini de scadèntzia stabiliu in custu bandu.

Integratzionis eventualis a is dimandas funt ammissibilis una borta sceti.

ART. 14 – PUBBLITZIDADI DE S'AVISU

Custu bandu est postu in s'Albu Pretòriu OnLine du su Comunu e si podit agatai puru in su situ de su Comunu www.comune.santadi.su.it e in s'Ufitziu Protocollu de su Comunu.

ART 15 – INFORMATZIONIS

Po àteras informatzionis a pitzus de cantu est inditau in s'avisu si podit pregontai a s'ufitziu de is servìtzius sotzialis, cuntetendi su recàpitu telefònicu afatanti: 07819420331 su martis a mengianu de is 10:00 a is 12:00 e su giòbia a meri de is 17:00 a is 18:45.

ART. 16 – RINVIU

Po cantu no est prevèdiu a manera espressa in custu Avisu Pùbblicu si fai rinvii in manera espressa a sa Lei Regionali n.18 de su 2 de austu 2016, de is Deliberatzioni de Giunta Regionali n.23/26 de su 22.06.2021 e n.34/35 de s'11.08.2021 e de is Linnias ghia aprovadas de custas delìberas e de is leis in vigèntzia.

SU DIRETORI DE S'ÀREA
dot.a C.Meloni